

春秋左傳釋人

春秋左傳釋人卷八

河內范照蔡乙青菴

諸侯臣考四

鄭臣考

公族

共叔段莊公母弟公以母武姜命封之京稱京城大叔後日
強橫謀襲鄭公伐之段出奔共

公子呂字子封初諫莊公寵段已而奉公命伐段於京

公子滑段子其父作亂被逐亦出奔衛 三人並見隱元年

曼伯 一稱檀伯亦公子隱五年與子元以制人敗燕桓五

年爲右拒以禦王十五年厲公殺之

子元

補正謂卽厲公字甚是今從之蓋厲公名突字子元
傳或稱子元或稱公子突特互見耳隱五年曼伯子
元以奇兵敗燕卽厲公見傳之始其後爲三覆以敗
戎爲二拒以禦王知兵善謀如出一手桓十五年因
櫟人殺檀伯而居櫟故昭十一年傳云鄭莊公城櫟
而置子元焉使昭公不立又云鄭京櫟寔殺曼伯是
明以子元爲厲公矣杜氏妄註於昭十一年今特正
之其爲君後出亡反國詳見諸侯世次茲不再贅
公孫闕字子都隱十一年與潁考叔爭車不勝而殺考叔

公孫獲隱十一年莊公使之處許西偏以監許

語 一稱子人厲公弟桓十四年盟魯

子儀二子莊十四年傅瑕殺子儀及其二子名皆不傳

公子閔此又是一人非公孫閔也莊十六年厲公殺之

公父定叔共叔段孫當是公孫滑子莊十六年避禍奔衛三年

厲公召而復之以守共叔之祀

世子華文公大子公淫於叔父子儀妻陳嬀所生僖七年盟

甯毋背父嬀齊得罪於父十六年公殺之

公子士文公子江女所生僖二十年與洩堵魋帥師入滑後

爲楚人所酖而死見宣三年

子臧 子華母弟僖二十四年奔宋文公使盜殺之

子人九子人氏九名語之後人僖二十八年文公使之行成
於晉

公子瑕文公子蘇女所生公惡之僖三十一年奔楚又二年
楚伐鄭將納之爲外僕髡屯所殺

公子歸生字子家文二年會諸大夫伐秦宣二年敗宋師四年
與公子宋同弑靈公十年卒國人斷其棺而逐其族
公子龍文九年爲楚所囚

子俞彌文公子公子瑕母弟早卒見宣三年程氏識小錄合
洩堵俞彌爲一大謬

公子宋字子公宣四年因不得食醢染指於鼎靈公怒欲殺之遂與子家謀弑公

公子曼滿語王子伯廖欲爲卿伯廖斷其無德而貪必亡果被殺見宣六年

公子魚臣字僕叔宣十二年石制欲立之未果皆被殺

公孫黑肱字子張一稱伯張穆公孫宣十四年代子良於楚後歸鄭襄十八年從君伐齊二十二年卒寢疾時召其子段黜官薄祭盡歸餘邑且教以貴而能貧敬戒事君嗚呼可謂賢矣

公孫申一稱叔申成四年疆許田敗焉九年晉執成公申謀

立君以拒晉十年鄭立太子髡頑晉歸成公公返國
討立君者遂殺叔申及其弟叔禽

叔禽

申弟同被殺

公子繻成十年公子班立之爲君國人殺之

公子班字子如成十年立公子繻繻被殺班奔許十三年入
國殺子印子羽子駟帥國人攻而殺之並及其子弟

姪三人

子駟

班弟

孫叔

班子

孫知

駟子三人并與班同時被殺

公子魴成十五年與諸大夫會吳於鍾離

子狐

已下四人皆群公子子駟弑僖公以瘡疾赴諸侯羣

公子謀殺子駟子駟先之襄八年四人皆被殺

子熙

子侯

子丁

孫擊

孫惡

二人皆子狐子父被殺俱出奔衛

段

公孫黑肱子襄二十二年其父疾召室老等立之

案此人並非字子石無氏無位其事跡亦不再見於

古傳集
卷八
二十二年以後杜氏妄注遂致後人或以爲是公孫
段或又以爲是印段乖謬之見種種不一甚矣善讀
書者之難得也

宛射犬襄二十四年爲晉人致楚師者御車晉人稱爲公孫
當亦公孫輩故入於此

公孫揮字子羽官行人一稱行人子羽一稱行人揮襄二十
四年聘晉博學多聞善爲詞令鄭國賴之 案十一
穆中之子羽已於成十三年爲公子班所殺杜注乃
以行人子羽與十一穆子羽合爲一人大謬 四書
釋地云王崑繩常疑子羽稱公孫揮似亦當爲某公

之孫余曰公孫揮能辨四國大夫之族姓而不能俾已之族姓流傳於後亦一異也附記於此

公孫盱襄三十年伯有之亂爲游吉入盟大夫者

公孫登昭十八年鄭火子產使徒大龜

十一穆

案宣四年傳靈公弑鄭人欲立子良子良以讓公子堅堅立是爲襄公公將去穆公諸子而舍子良子良不可曰穆氏宜存則固願也若將亾之則亦皆亾去疾何爲乃舍之皆爲大夫是時穆公諸子共十一人日子良公子去疾日子罕公子喜日子駟公子騫曰

子國公子發曰子孔公子嘉曰子游公子偃曰子豐
曰子印曰子羽曰子然曰士子孔穆氏之存皆子良
一人爲之其後子印子羽爲公子班所殺子羽之子
夭死而不傳子然士子孔相繼早卒子孔相二室又
以作亂亡其身以及二族故自簡公十二年而後
襄十六卿皆良罕駟國游豐印之子孫諸侯稱之曰
九年七穆

良氏

公子去疾字子良宣四年讓位於襄公且言於公舍穆氏以故
羣公子皆爲大夫十二年楚入鄭子良爲質十四年

國人懼晉使子張代之以謀國成二年與諸大夫會
蜀七年相成公如晉拜師仁讓忠良賢名四達誠不
媿穆氏領袖矣

公孫輒字子耳子襄八年與子國侵蔡時爲司空十年
與楚人侵魯又侵宋孟獻子斷其有災是年多與子
駟子國並爲尉止等所殺非子良之肖子也

良霄

字伯有子耳子嗣父爲卿襄十一年鄭服晉使霄在
告於楚楚人執之越二年始歸十八年從伐齊二十
六年會澶淵疆衛戚田二十七年會諸大夫盟宋晉
趙武歸自宋過鄭簡公享之六卿皆從霄時爲次卿

賦詩譏晉君臣而武不喻也後因使子皙如楚彼此
相惡三十年子皙因其酗酒伐而焚之霄醉中出奔
巴而介甲以入國驅族攻而殺之藉非子產則霄死
無葬地族且匹矣剛愎侈汰卒以殺身乃祖美德竟
無以庇之也哀哉

良止

伯有子其父死爲厲鬼以驚國人昭七年子產立止
爲大夫以撫之國始安止亦無事見長而族微矣

罕氏

公子喜字子罕成九年晉執成公十年子罕往賂晉而成公
始得歸十四年伐許十五年侵楚十六年鄭又叛晉

卽楚子罕伐宋是年晉敗楚鄆於郢陵鄆猶未服襄
二年成公卒僖公少子罕當國子豐欲愬於晉以廢
公子罕不可後公卒爲子駟所弑此子駟所以見殺
於盜而子罕之子孫所以世有賢人而位上卿也

公孫舍之字子展子罕子嗣父爲卿襄八年楚伐鄆與子駟論
從晉楚其言甚正子駟不從其後數年屢被諸侯之
師子駟輩遇害卒賴其謀服於晉國乃安襄十八年
子孔召楚師襲鄆能預知其謀與子西完守備尤見
禦變之材明年子孔見殺代之當國位爲上卿執政
十餘年碩德仁風望重四國晉趙武叔向諸賢人尤

爲傾服襄二十九年卒子孫世爲上卿以掌國政嗚呼豈不休哉

罕虎

宰子皮子罕子襄二十九年嗣父爲上卿卽以父命饒國人粟明年驅良之亂子產將出亾子皮知其賢自止之是年冬遂授以政且帥公族以聽命子產執政而國大治皆子皮能用善人之力也昭十三年卒子產歸自平邱痛哭之

子蕢

名嬰齊子皮子嗣父爲上卿昭十六年晉韓起聘鄭與六卿餞之於郊

罕達

字子姚一字子賸一稱武子賸子蕢子嗣父爲上卿

定十五年敗宋師于老邱是時晉伯已衰齊鄭盟鹹
始叛盟主范中行出奔鄭與齊宋諸國救之哀二年
子姚與子般至爲之送粟而敗於鐵背大國輔叛臣
蓋先大夫之德幾亡矣然以趙孟知伯之強而國不
至大受其擾亦可謂能禦強敵者

公孫鉏子展弟襄三十年羽頡奔晉子皮使鉏爲馬師以代
之

罕朔 公孫鉏子嗣父爲馬師故稱馬師氏昭七年殺罕魋
奔晉晉人使爲嬖大夫

罕魋 子皮弟爲罕朔所殺

駟氏

公子騂字子駟成十年爲質於晉而成公得歸襄二年成公卒僖公立子罕當國子駟爲政未幾子罕卒代之當國弑僖公殺羣公子抗晉國奪民田強暴已甚襄十年爲尉止等所殺凶人不終蓋早開其端云

公孫夏字子西子駟子父被殺聞之不傲而出先臨尸而後追盜子產子蟬共助之卒殺眾賊嗣父爲卿襄十八年子孔召楚師謀襲鄭子西助子展守國明年子孔誅位爲次卿朝聘會盟周旋大國能以恪恭退讓蓋父愆可謂幹蠱之子矣

公孫黑字子哲亦子駟子子西弟襄十五年爲質於宋其後
攻殺伯有且與子南爭室昭二年將作亂子產數其
罪逼之縊死凶人不終竟蹈乃父覆轍

駟帶

字子上子西子嗣父爲卿襄三十年助子哲攻殺伯
有游吉將亾子上追而返之昭元年因子哲與子南
爭室六卿共盟子上與焉六年卒

駟偃

字子游子上子嗣父爲卿昭十六年與諸卿共餞晉
韓起賦詩十九年卒

絲

子游子晉大夫之甥也其父卒絲幼族人廢之而立
其叔子瑗

駟乞

字子瑕子游弟昭十九年嗣兄爲卿

駟欬

字子然子瑕子定八年嗣子太叔懿政殺鄧析用其

竹刑君子譏之國政於是乎衰矣

駟宏

字子般子然子哀二年與罕達共送晉范氏粟敗於

鐵其後晉知伯伐鄭子般屢禦之可稱後勁矣

駟秦

駟氏族或曰亦子然子嬖太夫哀五年國人惡其僭

分殺之

印

子皙子昭二年子皙臨死請以印爲楮師子產不從

國氏

公子發字子國成五年爲楚所執襄二年成公卒爲司馬五

年聘魯八年侵蔡從楚背晉與子駟同黨十年竟與子駟子耳同被討止等所殺有媿童子多矣

公孫僑字子產一字子美子國子襄八年論侵蔡其父怒其多言而言皆驗十年其父遇害率兵車殺賊勸子孔焚載書以安眾見事之明定變之略已露端倪十九年子孔誅始爲卿三十年子皮授之以政當國二十餘年昭二十年卒考其生平事大睦鄰敬君愛民用人行政美不勝書列邦賢人如季札叔向晏嬰無不傾倒孔子稱之曰有君子之道曰惠人曰古之遺愛春秋二百四十年名卿中一人而已若夫作邱賦鑄

刑書皆出於治國救世之苦心豈可以一時人言少之哉

國參

字子思諡曰桓一稱桓子思子產子嗣父爲卿昭三十二年會諸大夫城成周哀七年憂宋圍曹救之二十七年尙有告急齊師語距其父卒時已五十五年蓋七十餘歲矣卒在春秋後案十一穆中以諡傳者惟罕達國參二人大事表以桓子思爲駟宏謬甚

孔氏

公子嘉字子孔一稱司徒孔襄八年楚伐鄭欲待晉見與子駟殊時爲司徒及子駟三人遇害遂當國專政八年

其後欲去諸大夫且召楚師賴子展子西守國破其謀襄十九年諸卿共殺之而分其室

公孫洩子孔子其父被殺洩久廢昭七年子產立爲大夫僅以守祀而已

孔張洩子昭十六年晉韓起聘鄭張後至失位爲客所笑
游氏

公子偃字子游成三年帥師禦諸侯之師六年相成公如晉拜成

公孫董字子蟜子游子襄八年楚師伐鄭欲待晉見與子展同十年子駟等被殺子蟜率國人助子西子產攻盜

以靖國十四年會伐秦時爲司馬勸諸侯進師晉大夫善之十九年卒晉平公請於天王賜之大路以葬亦穆氏所未有也

游販

字子明子蟠長子嗣父爲卿襄二十二年奪人之妻爲其夫所殺

良

子明子子展因其父失德廢之

游吉

一稱子太叔子明弟子展立之爲卿昭二十年繼子產爲政定四年卒距其爲卿時已四十六年矣生平爾雅溫文善爲詞令以事大國屢奔走晉楚之廷無失禮無失言蓋受子產之教者深而又能謹慎以出

之者也噫賢矣哉

公孫楚字子南亦子游子嬖大夫昭元年子皙與之爭室子南傷之以戈子產放之於吳

游速 子大叔子定六年帥師滅許 案世族譜以游速爲

渾罕合爲一人大謬詳後渾罕注

豐氏

子豐 名失傳亦未爲卿襄七年傳文有欲廢僖公之意子罕止之

公孫段字子石一稱伯石子豐子襄二十七年從簡公享趙孟賦詩三十年子產立之爲卿昭二年相簡公如晉

晉君賜之州田七年卒子產歸州田於晉

豐卷

字子張豐氏族襄三十年子皮爲其欲攻子產逐之
奔晉三年子產復之

豐施

字子旗伯石子嗣父爲卿昭十六年與諸卿餞晉韓
起賦詩克紹父風焉

印氏

子印

名失傳成十三年爲公子班所殺

印段

字子石子印子與公孫段同名同字故稱印段以別
之又稱二子石襄二十七年同諸子從君享趙孟時
已爲卿二十九年如周葬靈王三十年駟良之亂子

產將出亾子石義而從之及子皮止子產子石亦返
蓋亦人所難能宜趙孟聞其賦詩而美之也

印癸 字子柳子石子嗣父爲卿昭十六年與諸卿賦詩餞

晉韓起

印革父印氏族襄二十六年楚伐鄭獲之獻於秦鄭人取貨
於印氏而贖之

羽氏

子羽 名失傳成十三年爲公子班所殺

羽頡 子羽孫其父早死名不傳爲馬師故稱馬師頡黨於

伯有襄三十年奔晉爲任大夫

然氏

子然

名失傳子孔同母弟成十年與晉盟而成公得歸襄
元年侵宋六年卒

然丹

字子革子然子襄十九年因子孔之難出奔楚後仕
楚爲右尹

然明

一稱驪茂一稱驪明襄二十四年常論晉程鄭將死
言果驪子產賢之從而問政後論鄉校亦大服子產
賢名問於諸侯洵無媿也 案此人或亦子然之後
今從世族譜附錄於此

士氏

士子孔名失傳與公子嘉同字故稱士子孔以別之襄八年卒其事不見於傳

子良

名失傳士子孔子黨於子孔襄十九年子孔誅出奔

楚

洩氏

已下諸族皆未詳所自

洩駕

一稱洩伯隱五年伐燕七年論陳五父

洩堵寇

一稱洩堵俞彌僖二十年與公子士同入滑者案

僖二十四年之洩堵俞彌卽二十年之洩堵寇傳文

顯然杜氏前注甚明後注乃以洩字連公子士爲句

而以堵俞彌另爲一人已誤矣世族譜竟列於堵氏
中程本又以爲卽宣三年傳之子俞彌則更謬矣今
特爲改正以質之善讀左氏者

洩駕

惡公子瑕見僖三十一年距隱五年已九十年當又
是一人

高氏

高渠彌一稱高伯桓五年禦王與原繁同將中軍十七年弑
昭公立子襄明年齊人以車裂之

高克

閔二年師潰奔陳

堵氏

堵叔 與叔詹師叔齊管仲稱爲三良見僖七年

堵女父 因子駟奪其田遂與尉止等作亂殺子駟子國子耳
子產等攻之女父奔宋鄭人賂宋歸而殺之見襄十
年

堵狗 女父族襄十五年鄭人奪其妻歸諸晉范氏

皇氏

皇武子 名失傳僖二十四年文公問禮以享宋公三十三年

辭秦成

皇戌 宣十二年如晉師致詞成五年鄭許訟於楚鄭伯不

勝楚執戌及子國

皇辰

成十六年從楚子辛伐宋彭城

皇耳

戎子襄十年侵衛被獲

皇頡

襄二十六年成城麋爲楚穿封戌所囚

石氏

石癸

字甲父僖二十四年與孔侯二人視天王於汜三十

年與侯宣多逆公子蘭於晉以爲大子 案甲父是

石癸之字本是一人傳或稱石甲父或稱石癸特互

見耳以僖三十年傳文與宣三年傳文合觀之尤爲

顯而易見杜氏未注後人竟分爲二人謬矣今正之

石楚

文十七年從晉荀林父等討宋

石制

一稱子服宣十二年欲立公子魚臣被殺

石首

成十六年鄢陵之邑爲成公御戎

石奩

一稱石孟官大宰襄十一年從伯有使楚被執十三

年始得歸

侯氏

侯宣多僖二十四年與孔將鉏石甲父視天王於汜三十年

又與石甲父逆公子蘭於晉以爲大子文二年以立

穆公故恃寵作亂被誅見文十七年

侯羽

成七年與共仲攻楚師

侯孺

成十七年隨大子髡頑爲質於楚

侯晉 襄十年與尉止等作亂殺子駟三卿及尉止被殺晉
奔晉堵女父等奔宋其後鄭人納賂於宋求堵女父
等誅之獨不聞求晉於晉豈以晉大國而畏之與抑
亦晉有先見之明耶

王子氏

王子伯廖譏公子曼滿無德而貪見宣六年

王子伯駟襄八年鄭服楚使之告晉十一年晉悼公三駕使之

行成

尉氏

尉止 因子駟黜其車遂與司臣等作亂襄十年殺子駟三

卿子產攻之止與子師僕被殺堵女父四人奔宋其
後鄭人賂宋宋子罕因司臣賢送諸魯以堵女父尉
駟司齊三人歸鄭鄭人皆醢之

尉駟尉止子

司氏

司臣詳見尉止注

司齊司臣子

諸大夫

尹氏魯隱公爲公子時鄭人囚之尹氏後與尹氏俱歸魯
見隱十一年其人在春秋前故首列之

祭仲

祭地名仲字爲祭封人有寵於莊公使爲卿一稱祭
足一稱祭仲足隱元年諫莊公寵叔段三年帥師取
周之麥禾桓十一年莊公卒仲立昭公宋人執仲使
立厲公仲從之昭公奔衛十年厲公惡其專使雍糾
殺之仲先殺糾厲公奔蔡仲復迎昭公十七年昭公
被弑子亶立明年齊殺子亶仲又立子儀旣不能善
事厲公於前復不能保全昭公於後奸猾專橫雖其
賦性不良亦熏染於莊公之身教者久也

潁考叔潁谷封人隱元年感化莊公復迎其母左氏以純孝
稱之十一年伐許與子都爭車被殺孝子固如是耶

原繁

隱五年伐燕桓五年禦王爲中軍莊十四年厲公復

國逼之縊死

良佐

隱七年如陳莅盟

宛

未賜族隱八年歸祊於魯

祝聃

隱九年敗戎桓五年射王中肩罪通於天矣

瑕叔盈隱十一年圍許以蜚蜚登城

雍糾

祭仲壻桓十五年厲公與之謀殺仲糾妻告仲仲殺

糾公載其尸奔蔡

周氏

周姓之大夫名不傳桓十五年祭仲殺雍糾尸諸周

氏之汪汪池也昭二年子晳縊尸諸周氏之衢衢衢

道也皆地之以周氏得名者類記於此後不更贅

傅瑕

莊十四年弑子儀納厲公公入殺之

強鉏

祭仲黨莊十六年厲公治雍糾之亂刑其足

鄭詹

卽叔詹莊十七年齊人執之旣而逃歸僖七年齊管

仲合堵叔師叔共稱爲三良其後論楚成不終諫文

公慢晉公子無愧執政之良臣矣

聃伯

僖二年爲楚所囚

孔叔

僖三年諫文公背齊五年諫逃盟七年又請下齊可

謂忠於謀國者矣

申侯

本楚人楚文死奔鄭有寵於厲公僖四年齊侯賜之

虎牢陳轅濤塗勸其城而譖之七年爲文公所殺

師叔

詳見叔詹

孔將鉏僖二十四年與石侯二人同視天王於汜

佚之狐僖三十年晉秦圍鄭薦燭之武以退敵

燭之武說秦伯退師詞令之善千古稱之

樂耳

文九年楚伐鄭與公子堅等俱被囚

執訊

通訊問之官姓名不傳見文十七年

共仲

成七年與侯羽同軍楚師

伯蠲

成九年行成於晉被殺

姚句耳

成十六年如楚告急

唐苟

成十六年爲成公戎右

門子

卿之適子見襄九年 案門子非一人見傳亦非一次其名皆不傳姑附錄之

子師僕襄十年因喪困助尉止作亂被殺

裨竈

襄二十八年論周王與楚康皆將死三十年論伯有將亡昭十年又決晉侯將死十七年又預知四國將火請子產禳之子產不從其語亦不盡驗甚矣術士之難知天道也

裨諶

襄二十九年論政將歸子產三十二年傳稱其善謀孔子亦稱之

僕展 伯有黨從之死見襄三十年

樂成 襄三十年羽頡奔晉因之以事趙文子先是雞澤之

會成奔楚通晉在襄三年

大史 名不傳襄三十年子產使命伯石爲卿

馮飭子名不傳襄三十一年與子大叔逆客傳稱其能斷大

事 案鄭大夫皆無諡七穆中有諡者二人一國參

諡桓稱桓子思一罕達諡武稱武子贍此外有諡者

二人一皇武子一馮飭子而其名皆不傳殊不可解

徐吾犯其妹美子皙與子南爭娶之見昭元年

渾罕 字子寬昭四年論子產作邱賦十八年火政又見使

宋世族譜以游速爲渾罕而程本遂列之一人三
稱謬矣游速爲游吉子父沒始見傳在定六年上距
昭四年計三十六年當在童穉焉得與聞國政而妄
譏正卿乎渾罕子寬自是一人若謂卽游速是不知
左公紀事體裁而細玩前後傳文也不可以不辨

司基

掌公墓大夫姓名不傳見昭十二年

富子

因孔張失禮恐得罪於晉諫子產

屠擊

祝欸

豎柎

鄭旱使三人祭桑山因其斬木不雨皆奪其官邑

已上四人皆見昭十六年

里析

昭十八年預以火災告子產及災里析死子產使遷

其柩

子上

火政與子寬巡羣攝屏 案此另是一人非駟帶也

駟帶字子上昭六年已卒

祝史

名不傳火政徙主祀

商成公火政倣司宮 已上三人並見昭十八年

鄧析 定九年爲駟歆所殺

樂官

師慳

師觸

師燭

三人皆襄十一年賂晉者

師莜

師慧

二人皆襄十五年賂宋者已而慧諷宋子罕歸之

小臣

外僕髡屯屯名外僕之髡髮者禽公子瑕見僖三十三年

外僕名不傳掌次舍者襄二十八年諫子產如楚不爲壇

尹何子皮欲使之爲邑大夫子產諫而止之見襄三十一

年

府人

庫人

司宮

寺人之屬

野司寇縣士

郊人

已上五項並見昭十八年火政名姓不傳姑類記之

許瑕

武子賸嬖人爲之取邑於宋而敗師焉

郊張

鄭羅

武子賸敗師二人皆被宋獲 已上三人皆見哀九

年

商賈

弦高

僖三十三年遇秦孟明將襲鄭以牛犒師馳告於國

鄭賴以安權略過人不圖於商賈遇之

賈人

名不傳晉荀息在楚欲救之以出未果後晉歸晉善

視之賈人辭而之齊何鄭賈之多賢也見成三年

商人

名不傳晉韓起聘鄭欲買其玉環子產拒之見昭十

六年

宋臣考

公族

公子穀甥案文十一年傳云宋武公之世鄭瞞伐宋司徒皇父
禦之彫班御皇父充石公子穀甥爲右司寇牛父駟
乘以敗狄皇父之二子死焉宋公以門賞彫班使食
其征云云杜注皇父戴公子名充石又云皇父與其
子穀甥牛父皆死故彫班獨受賞是因皇父之二子
死焉句遂謂穀甥牛父皆是皇父子謬矣皇父是戴
公子其子不得復稱公子且皇父爲司徒其子又何
得同時爲司寇耶陳氏世族譜駁之良是愚謂穀甥

自是某公公子彤班牛父自是卿大夫其人皆在春秋前故列穀甥於公族之首列牛父與彤班於諸大夫之首似爲得之或曰皇父之二子死焉之字是與字之訛其說近是附記於此以質學者

子游

莊十二年南宮萬弑閔公立子游爲國人所殺

公孫固莊公孫爲大司馬僖二十二年諫襄公戰楚二十七年如晉告急文七年爲穆襄之族所殺

公子成莊公子文二年會諸大夫伐秦七年爲右師

公孫鄭亦莊公孫文七年被殺

公子邛昭公弟文七年樂豫以司馬讓之八年襄夫人王姬

殺之握節而死經稱司馬

孔叔 襄公孫

公孫鍾離亦襄公孫二人皆昭公黨文八年同爲襄夫人所殺
公子朝莊公子文十六年爲司寇十八年卒

母弟須文公母弟文十六年文公篡位使須爲司城十八年
武氏之族欲奉之作亂文公殺之

昭公子名不傳文十八年武氏之族欲道之作亂文公殺之
公子肥文公子成十五年爲蕩澤所殺 文公弑兄篡位殺
弟與姪而其子亦屢被殺天道好還吁可畏哉

大子痤平公大子襄二十六年伊戾向戌共譖之爲公所殺

公子寅

公子御戎

公子朱

公子固

公孫援

公孫丁已上六人皆元公黨昭二十年爲華亥所殺

母弟辰與地皆元公子景公弟也昭二十年與景公皆質於

華氏幾爲所殺定十年景公寵向魋辰與地相繼奔

陳明年入蕭以叛 案辰與地皆景公弟定十年經

傳皆可考杜氏以爲元公弟大謬

公子地母弟辰兄定十年傳文可據 案辰稱母弟地稱公
子傳文互見耳細心讀之世次井然何得妄注

公子城平公子昭二十年避華向之亂城與忌等奔鄭又通
晉明年以晉師救宋大敗華氏以安公室

公孫忌昭二十年奔鄭已而復入與城共滅華向二十二年
元公立之爲大司馬

遷邛 平公曾孫昭二十二年元公使爲大司徒

元公之孫失名哀十二年向巢取錫殺之 案此當是辰與地
之子

公孫周元公孫景公取其二子得與啟養於宮未定所立哀

二十六年公卒大尹立啟六卿不服大尹以啟奔楚

其立得是爲昭公

符

周長子

啟

得弟

公族諸氏

案武公之後曰武族穆公之後曰穆族其人名字無
一見傳文十八年文公以母弟須之難盡攻而出之
此外戴公之後四族曰華氏曰樂氏曰皇氏曰老氏
莊公之後一族曰仲氏桓公之後四族曰魚氏曰蕩
氏曰鱗氏曰向氏文公之後一族曰靈氏共公之後

一族曰褚師氏今依諸公世次序而列之於左

華氏

華父督戴公孫官大宰一稱大宰督桓二年殺孔父娶其妻
殤公怒之遂弑公莊十二年爲南宮萬所殺

華御事督孫文七年爲司寇十年論楚事

華耦 字子伯督曾孫官司馬文九年救鄭十五年盟魯經
書司馬華孫以貴之十六年卒

華元 御事子文十六年爲右師宣二年被鄭獲國人贖而
歸之十五年如楚師與子反盟質於楚後復歸成十
五年以不能討蕩澤奔晉魚石止而返之歸殺蕩澤

以安公室襄元年會諸大夫圍彭城二年再會戚城
虎牢以偪鄭未幾卒當國四十年老成持重名聞諸
侯誠賢大夫也

華椒

耦平宣十二年救蕭又與諸大夫同盟清邱

華喜

椒子成十五年爲司徒十八年圍彭城

華弱

椒孫當是喜子爲司馬襄六年平公逐之奔魯

華閱

元長子代父爲右師襄九年火政討右官十四年會

諸大夫伐秦冬又會戚十七年卒

華臣

閱弟爲司徒閱卒臣弱其子臯比之室且殺其宰平

公欲逐之未果臣懼而奔陳見襄十七年

華臯比閔子見襄十七年

華定

叔孫爲司徒襄二十九年會諸大夫城杞昭十年如
晉會葬十二年聘魯不能答詩叔孫昭子決其將亡
二十年與元公相惡公攻之奔陳二十一年與向寧
華亥復入國作亂二十二年皆出奔楚

華合比爲右師昭六年寺人柳譖於平公公逐之奔衛 案

合比卽是臯比臯比爲元之孫閔之子閔旣代父爲
右師則閔死臯比亦代之爲右師況其叔華臣已亡
元有大功於宋何得閔死臣亡而其孫不爲卿耶徒
以傳無明文杜氏亦未之注致令讀者尙論不無遺

憾或曰合比或是臯比弟然總當直斷其爲元之孫與閔之子

非亥

合比弟昭六年助寺人柳謀逐其兄代之爲右師九年與諸大夫會楚子於陳十一年又會諸大夫謀救蔡二十年與元公相惡僞疾以誘羣公子殺公子寅六人取大子兄弟三人爲質公亦質其子與華定向寧之子已而公殺其質以攻之亥與定寧同奔陳明年皆入南里以叛二十二年諸侯之師共圍之與定寧華登等皆奔楚而族亡矣

無憾

亥子元公取之與寧子羅定子啟爲質者已而皆殺

之而攻華氏

啟

定子

華輕

亥庶兄爲少司寇亥出奔時以三公子屬之送諸公
已而將行公復其位明年華向入國輕與諸卿禦之

華費遂昭四年從楚子伐吳後爲大司馬昭二十年華定華

亥作亂遂頗能自立明年其子自相殘害華貍劫之
以叛而召定等卒之不能勝君舉族奔楚而華氏以
亡卽司馬亦不能自主也哀哉

華貍

字子皮費遂長子爲少司馬昭二十一年殺弟劫父
以叛且召定等入國作亂明年皆奔楚

華多僚費遂次子爲公御士昭二十一年譖其兄龜於公而

逐之未果爲龜家臣張匄等所殺

華登 費遂少子黨於亥等昭二十年奔吳明年以吳師救

華氏與公戰不勝復如楚乞師卒不勝諸侯之師二

十二年與其兄龜從定亥等皆奔楚華氏由是遂亡

華妊 華氏族居公里者

華豹 亦華族呂封人助亂爲公子城所殺 二人並見昭

二十一年

樂氏

樂豫 戴公元孫爲司馬文七年諫昭公逐羣公子不聽既

而羣公子攻公六卿和之豫以官讓公子印國

樂呂

文十八年爲司寇宣二年死於大棘之戰

樂嬰齊宣十五年告急於晉

樂舉

成二年文公卒始厚葬僭王禮傳曰君子謂華元樂

舉於是乎不臣世次官職皆無考然與華元並稱當

亦六卿之長

樂裔

成十五年代向爲人爲大司寇

樂懼

戴公六世孫成十六年爲鄭所獲

將鉏

樂族同被鄭獲

樂轡

字子蕩襄六年以子栢華弱平公惡之賜出奔亦逐

子蕩

樂喜

字子罕爲司城襄六年逐子蕩九年以司城爲政救
火災十五年歸鄭樂官以贖過二十七年論向戌弭
兵之失具有卓見二十九年宋飢以粟貸民施而不
德執政二十餘年敬君愛民有古大臣風度其子孫
世執國政相其君以宋升降叔向之言猶信

樂道

爲司寇火政庇刑器見襄九年

樂舍

喜孫元公黨昭二十年奔鄭

樂大心昭二十一年爲公禦華向有功明年華向皆亡立爲
右師居桐門故稱桐門右師二十五年會黃父定九

年樂涓稱之奔曹十一年入蕭從公子地等以叛

樂祁

字子梁一稱樂祁犁亦喜孫昭二十二年立爲司城

二十七年會扈定六年如晉士鞅請面執之八年卒

於晉

樂輓

亦喜孫昭二十二年立爲大司寇

樂涓

字子明祁子其父如晉知不免見涓於君而行後其

父卒於晉遂嗣父爲司城

樂髡

哀三年伐曹

樂茂

字子潞涓子嗣父爲司城哀二十六年謀逐大尹以

安公室其功最大位上卿以執政宜哉

樂朱鉏執子嗣父爲大司寇哀二十六年助莒攻大尹

樂得

樂毅爲門尹哀二十六年大尹作亂六卿共謀逐之

樂皇兩族欲伐公得諫而止否則爲晉范中行氏之
續矣

皇氏

皇父充石戴公子在春秋前見文十一年詳公子穀甥注

皇郈

充石裔孫襄九年從晉師伐鄭

皇國父爲大宰襄十七年爲平公築臺召謗

皇奄傷華氏黨昭二十二年奔楚

皇瑗

或曰充石八世孫爲右師哀七年侵鄭十七年景公

執其子瑗奔晉召而復之明年爲國人所殺

皇野

字子仲爲司馬哀十四年與公謀誘向巢使攻難以
安公室後怒麋立嫡之言譖於公見十七年

麋

瑗子奪兄邑以與其友哀十七年野譖於景公被執

鄭般

麋兄麋奪其邑愠而行

皇非我野庶子野廢其兄立之嗣父爲大司馬哀二十六年

與緩懷等共助樂枝逐大尹以靖國

伯

失名非我兄被廢

皇緩

瑗從子哀十八年景公立爲右師

皇懷

非我從弟哀二十六年爲司徒 案皇氏在宋春秋

已蒙見傳者甚少乃至瑗爲右師而後人材日盛哀
之末年三皇並居六卿之位而魚仲華向諸大族無
一存焉讀者於此感增今昔矣然三人能同心聽政
助正除姦以安公室而族滋興焉固非向者諸叛臣
之所敢望也

老氏

老佐 戴公五世孫成十五年代蕩澤爲司馬十八年圉彭
城卒

仲氏

公孫師莊公孫文十八年文公使爲司城成十五年華元使

以國人攻殺蕩澤時在卿位已三十餘年

仲江

師子襄十四年會伐秦

仲幾

江孫昭二十二年代向寧爲左師三十二年會諸大

夫城成周定元年爲晉所執

仲佗

幾子定十年從母弟辰奔陳明年皆入於蕭以叛而

族亾矣

魚氏

公子目夷字子魚桓公子襄公庶兄僖八年襄公請立之固辭

襄公立使爲左師後屢諫公圖伯公不聽卒以致敗

公孫友目夷子嗣父爲左師見文七年

魚石 左孫爲左師成十五年止華元使討蕩澤旣而與向
爲人鱗宋向帶魚府皆奔楚十八年楚納之入於彭
城以叛襄元年諸侯之師圍彭城晉人取之以歸
魚府 石弟爲少宰從石出奔

蕩氏

公子蕩桓公子爲司城見文七年一稱司城蕩

公孫壽公子蕩子其父卒辭司城使其子爲之其子竟死於

昭公之難後至成八年猶如魯納幣蓋已有年矣

蕩意諸壽長子其父辭司城意諸嗣職文八年襄夫人初作

亂殺諸卿意諸奔魯魯人以其賢十一年言於宋而

復之十六年襄夫人再作亂與公子鮑弑昭公意諸
死之

蕩虺

意諸弟文十六年文公立使爲司馬

蕩澤

字子山意諸子共公時嗣其叔虺爲司馬成十五年
殺公子肥華元討而誅之其族由是亾矣真乃父之
罪人也

鱗氏

鱗睢

桓公孫文七年爲司徒

鱗朱

睢孫共公時爲少師寇成十五年黨於魚石同出奔
而族亾矣

向氏

一稱桓氏

向爲人桓公孫成五年共公使之辭會十五年爲大司寇與
魚石同出奔楚

向稱

爲大宰亦同出奔或曰爲人之弟存參

向戌

桓公曾孫一稱合左師成十五年二向亡華元立之

爲左師襄九年子罕火政使戌討左官十年晉人滅
偃陽欲封之戌固辭以子平公十一年從晉伐鄭十
五年聘魯尤孟獻子之室十七年諫平公逐華臣二
十六年與寺人伊戾譖殺世子連二十七年以弭兵

爲名合晉趙武楚屈建及諸大夫盟於宋昭元年再
會晉楚諸大夫於虢四年申之會獻禮於楚靈王六
年華亥謀代兄右師戍論其必亾案向戍素有賢
名朝聘會盟出使四國者四十餘年晉人欲以偏陽
封之春秋已來未之有也然畏世子蒍竟譖之死欺
君甚矣若夫弭晉楚之兵以爲名而求賞素中外之
防繁小邦之賦尤爲千古之罪人也

向寧

戊子嗣父爲左師昭十九年請師伐邾爲鄆子復仇
後與元公相惡昭二十年公殺其子攻之與華亥華
定皆奔陳明年同華氏復入爲亂不勝二十二年皆

奔楚

向勝

向行

二人皆向族元公黨爲華氏所拘

向羅

寧子與華氏二子質於元公公並殺之

向宜

字子祿亦戊子黨於元公與向鄭皆奔鄭既而復入

助公子城大敗華氏以安公室

向鄭

亦戊子 右五人並見昭二十年

向巢

戊曾孫爲左師定九年逆樂祁之喪於晉哀十二年

伐鄭殺元公之孫于錫十四年其弟魋將作亂景公

誘巢使攻之魋奔衛巢亦奔魯

向魋

巢弟爲司馬一稱桓魋景公娶之定十年致兩公子
出奔諸卿從之大爲國患哀十四年竟謀公公使其
兄攻之魋奔衛而向氏亡矣

子頎

子車

二人皆魋弟

司馬牛亦魋弟孔子弟子魋作亂牛致邑適齊及魋之齊牛

適之適吳吳人惡之而反齊晉權臣皆召之不往適

魯而卒惡人作亂賢者無歸悲夫 三人並見哀十

四年

靈氏

公子圉緇字子靈文公子爲質於楚而歸欲攻華氏成五年共
公殺之

靈不穀子靈裔孫哀二十六年爲左師與樂皇兩族共逐大
尹

褚師氏

褚師段字子石共公子襄二十年魯季武子聘宋段往逆之
石弼 段子定十年從母弟辰等出奔明年從之入蕭以叛
褚師子肥宋伐曹師還子肥殿見哀八年 案此人當是段後
諸大夫

彫班

司老牛父二人皆詳前公子穀甥注

孔父嘉正考父子孔子六世祖也爲大司馬隱三年穆公屬其立殤公桓二年爲華父督所殺

雍氏以女妻鄭莊公生厲公桓十一年言於宋莊公誘執鄭祭仲而立厲公

南宮萬一稱宋萬一稱南宮萬莊十年爲魯獲旣而歸之十二年作亂弒閔公奔陳宋人取而殺之

仇牧爲長萬所殺

南宮牛萬子從父作亂國人殺之

猛獲萬黨助亂奔衛衛人歸而殺之

蕭叔大心蘧邕大夫大心名長萬作亂大心帥五公之族殺牛
與子游平亂而立桓公公因其有功遂封之蕭以爲
附庸 案叔字大心名杜氏以叔爲其名則大心二
字將何屬乎其後莊二十三年朝魯經書蕭叔正與
邾稱儀父同義杜氏妄注貽悞後人不淺

門尹般僖二十八年如晉告急

狂狡 宣二年爲鄭所獲

西鉏吾成十八年論楚納魚石襄九年火政庇府守時爲大

宰

伯氏 名不傳火政見襄九年

莊朝 襄十七年伐陳獲司徒印

芮司徒平公妻棄之父元公外祖父也見襄二十六年

戴惡 昭八年會楚師滅陳

司馬穰昭二十年華向之亂與公子城等奔鄭

豐愆 與樂大心等禦華向

尉人濮尉邑大夫爲公定謀大敗華氏其智勇皆備之人

翟偃新助公與華氏戰居於新里

莊董 爲公子城戎右 已上四人皆見昭二十一年

省賦

士平 二人皆華黨昭二十二年從華向等奔楚

成謹

郤延

哀十三年二人皆被鄭獲

大尹

失名哀二十六年景公卒專政立啟六卿共攻之以

啟奔楚

祝襄

祝官襄名大尹使襄私爲載書襄以告皇非我

諸小臣

門官

守門者僖二十二年襄公敗於泖門官殲焉

帥甸

郊甸之帥文十六年襄夫人使之攻昭公而弑之

羊斟

字叔牂宣二年御華元如鄭師致元被獲元歸斟奔

魯

役人 築城者譏華元見宣二年

隧正 縣隧之官

校正 坐馬

工正 主車

司宮 奄臣

巷伯 寺人

祝 大祝

宗 宗人 已上八項皆無人名並見襄九年 祝宗皆

非小臣以傳無名類載於此

惠牆伊戾惠牆氏伊戾名寺人襄二十六年譖殺大子痤已而

平公烹之 伊戾固舉烹顧獨烹一伊戾何耶

圉人 卽步馬者向戌譏夫人圉人以告見襄二十六年

寺人柳曠六年譖逐華合比元公爲大子惡之及平公之喪

柳媚之又有寵

遯富獵公子地嬖臣見定十年

迹人 主迹禽獸者見哀十四年

諸大夫家臣

華吳 華閱宰襄十七年華臣使賊殺之

宜僚 華賈遂侍人

張句 已下四人皆華舊臣張句三人與龜同殺多僚故可

馬以叛後句與驥皆爲公子城所殺

白任

案昭二十一年傳云子皮將見司馬而行則遇多僚
御司馬而朝張句不勝其怒遂與子皮白任鄭翩殺
多僚劫司馬以叛而召亾人傳文甚明且杜注任翩
亦貙家臣乃經學辨體以白字爲曰字將傳文改爲
遂與子皮曰句任鄭翩句殺多僚全不知文義之不
通最爲可笑

鄭翩

于驥

右五人並見昭二十一年

陳寅

樂祁宰定六年祁如晉勸其立子祁被執晉士鞅欲

其子代之寅不可而其言皆驗真賢臣也

子儀克向魑臣不與魑同作亂魑臣猶在宋見哀十七年

田丙 皇族友麋奪兄邑以與之見哀十七年 案此人非

皇氏臣附記之